

**140.**

1389 Oktober 6

***Nickel Kaufman verpfändet Haus und Hof***

*fol. 21r* Wisset daz Nickel Kewfman der alde des Runselers kinder gesaczt und uffgelazin hat <sup>(a)</sup>syne hus und hoff vor gerichte vür 10 schoc gr, dy sy ym gereit uff einen czins gelien habin. Den selbin syn hus und hoff hat daz gerichte, voyt und schepphin uns wissintlichen den kinden zu phande, als phand recht ist, gelihen, daz dy kinder vor aller menlich ir gelt dor uff habin sullen. Ouch hat der jünger Niclaus Kaufman den kinden vor dy obgnanten 10 schoc und ouch vor den zcins by synen erbin und gutern gelobt mit sampt syme bruder und habin gelobt den kinden mit gesampter hant vor dy egnanten phennige. Actum M<sup>o</sup> CCC<sup>o</sup> LXXXIX feria quarta post Francisci.

*a-a) am rechten Rand, Einfügestelle markiert*

**141.**

1389 Oktober 23

***Der junge Stiger verpfändet einen Acker***

*fol. 21r* Wisset daz der jünge Stiger hat des Runselers kinder synen acker, gelegen vor dem nidern thor an der Mulda, gesaczt vor fumff schog gr, da er yn jerlichin von czinsen sol 30 gr. Den selbin acker habe wir den kindern zu phande vor dy fumff schog geligen. Actum LXXXIX sabbato ante Symonis et Jude.

**142.**

1390 --

***Nennung von Bürgermeister und Rat***

*fol. 21v* Acta circa Petrus Gerhardi magistrum consulum et suos consides Conrad Holcborn, Jacobum Stolczel, Franciscum Kirczer, Petrum Mergental, Behem, Albrecht Scherensmit, Nicolaum Seteler, Johannem Beyrstorf, Matheum Mylen, Bernhardum von Mere sub anno millesimo CCC<sup>o</sup> XC.